

群書考索卷四十二

前集

山堂先生章俊卿編輯

建陽知縣區王刊行

縣丞管韶校正

。禮器門

冕服類

希冕

希冕三章王祭祀社稷五祀之服非卑之於享射也以社稷五祀之所
上止於利人故衣粉米而已謂之希以其章少故也鄭氏以希為緇以
緇為刺謂希刺粉米無盡然盡陽事也在衣綉陰功也在裳希衣之粉
米固亦盡矣綉而不盡則與餘章之在衣者不類其說非也唐以希冕
為綉冕蓋一襲鄭氏之失歟。賈公彥謂天子九章侯伯七章大章也
章各依命數小章也則九章章皆十二七章章皆七若然則舜十二章
之服日月星辰之類皆十二乎不必然也考之於禮升龍降龍為一章

虎豹雜章為一章則山火之下皆左右畫綉之也。王之大夫希冕纁纁四就前後各四旒旒四王用三十六纁玉皆朱纁執鴈。諸侯之孤希冕纁玉采如王之大夫執皮帛王之孤卿六命大夫四命及其出封皆加一等其未出封則卿六命與子男同五章之服矣。觀司服孤之服自希冕而下如子男之服卿大夫之服自玄冕而下如孤之服公之孤四命而服三章之希冕大國之卿三命大夫再命而服一章之玄冕則王之公卿大夫其衣服各降命數一等可知也。典命云公之孤四命以皮帛眡小國之君又司服云孤之服自鷩冕而下鄭注弁師云孤纁纁四就纁玉皆朱纁用玉三十二其服三章玄衣纁裳服以助祭社稷。

元冕

元冕一章王祭群小祀之服其衣元而無文裳黻而已其章不足道也。故以元名之。夫乾居西北而天事武故黼之色白黑民居東北而歲始終故黻之色青黑天下之理歸於所斷成於所辨故服章以黻終焉。觀易陰陽之相代歸於服小而辨於物卦象之相推終於未濟之辨物者

方辨命九官終於黜陟分此周官六計終於黜陟省六服終黻之意也。

然剛斷者先王之所沉潜非向而上之也故黻衣設於後藉席用黼純設於下中衣綉黼設於中皆六服後黼之意也。元衮及黼衣綉裳常服黻皐書曰麻冕黼裳語曰致美乎黻冕記曰諸侯黼大夫黻爾雅曰衮黻也凡此皆舉其章之末者則餘章著矣。賈疏云上四衣皆玄而有畫此衣不畫而無文其衣本是一玄故得玄名一章惟裳刺綉黼而已禮象圖云天子之上士三命服玄冕中士再命服爵弁下士一命服皮弁或曰王之上士三命爵弁服今日服玄冕何也曰王之大夫四命服希則上士三命宜服玄冕若以謂王之士有爵弁而無弁冕其加一命遂為大夫不容躡玄冕而服希冕禮器曰天子之冕朱綠纁十有二旒諸侯九上大夫七下大夫五此上服玄冕之證也。諸侯之卿玄冕纁纁三就前後各三旒旒三玉用三十八執羔。諸侯之大夫玄冕再命之大夫纁纁就用玉八一命之大夫用玉二纁一就執鴈司服云卿大夫之服自玄冕而下注云朝聘天子及助祭之服諸侯皆二王後其餘

皆玄冕而祭又弁師注云三命之卿繅三就繅玉亦朱綠用玉一十八
再命之大夫繅再就繅玉亦朱綠用玉八若王朝之大夫上公之卿得
用三就同姓封為侯伯者助王祭羣小祀視朔朝日皆服之。陳禮書
曰再命之大夫繅再就用玉八一命之大夫用玉二繅一鄭云一命之
大夫冕而無旒然與命言各視其命之數果一命之冕無旒則其祗命
之數云者為空言也

禪冕

禪冕觀禮侯氏禪冕玉藻曰諸侯禪冕以朝樂記曰禪冕摺笏而虎黃
之士說劬也荀卿曰大夫禪冕康成釋觀禮曰禪之言坪也天子大裘
為上其餘為禪釋玉藻曰禪冕公衮侯伯鷩子男毳是也鄭司農釋周
禮特以鷩為禪衣拘矣

鷩冕

鷩冕七章鷩雉也雉之為物五色備而成章故曰夏翟亦曰華蟲猶中
鷩謂之夏亦謂之華也司服又謂之鷩者別其名也鷩冕以祀先公享

射然先公尊矣所服止於此者非卑之於先王以為祭則各以其服
尸服如是而王服衮以臨之非所以為敬故弗敢也享射亦以鷩冕
者王朝觀諸侯以衮冕故享與賓射以鷩冕祭祀以衮冕故大射亦以
鷩冕以享與賓射殺於朝觀而大射殺於祭祀故也燕射於寢則皮弁
而已賈公彥謂賓射服皮弁燕射服朝服然鄭氏釋司服謂鷩冕享射
者享食賓客與諸侯射則賓射不以皮弁矣又皮弁即王之朝服耳離
而二之其說誤矣。侯伯鷩冕繅七就前後七旒旒七玉共玉九十八
繅玉皆三采以上侯伯並同但執信圭躬圭之異爾三禮圖云司服曰
侯伯之服自鷩冕而下如公之服弁師注云侯伯繅七就繅玉皆三采
每繅七成則七旒每旒亦貫玉七璫玉皆計用九十八鞅帶綬舄皆與
上公同王祀昊天上帝助祭及朝王皆服之王者之後公伯王之子弟
封為侯伯皆服以助王祭先公及饗射。王之三公鷩冕繅八就前後
各八旒旒八玉用玉二百二十八執圭躬則執璧書曰周公秉圭以冕
觀之蓋執信圭先儒王執桓圭王之三公八命及其出封皆加一等則

是三公一命衣而衣服以九為節其未出封則八命與侯伯同七章之服矣故服鷩冕據未封之時然也

山冕

考工記曰山以章荀卿曰天子山冕諸侯元冠

皮弁

縫中貫玉以為飾其衣用布十五升而裳素積

弁服

祗朝則皮弁服

弁師

王之皮弁會玉采玉璫象邸玉弁諸侯及孤卿大夫之冕韋弁皮弁弁經各以其等為之而掌其禁令

士冠禮皮弁服素積

禮賓皮弁聘。詩淇澳曰會弁如星鳴鳩其弁伊騏頰弁有頰者弁

賓之初筵側弁之俄。禮運弁冕其華藏於私家非禮也玉藻天子皮弁以日視朝明堂位皮弁素積禘而舞大武

後漢與服志委貌冠皮弁冠同制長七寸高四寸制如覆杯前高廣後

平銳所謂夏之母追商之章甫者也委貌以皂綃為之皮弁以鹿皮為

之行大射禮於辟雍公卿諸侯大夫士行禮者冠委貌衣元端素裳執

事者冠皮弁衣緇麻衣皂領袖下素裳所謂皮弁素積者也蓋皮弁天

子以視朝以宴以聽祭報以聽祭報示民嚴上也以舞大夏諸侯以聽

朔以巡牲以下夫人世婦以迎王之郊勞以待聘賓卿大夫以王命勞

侯氏觀禮王使人皮弁用璧勞侯氏以聘於鄰國以下宅士以冠學士以釋采凡大夫

士之朔月皆皮弁服則皮弁之所施者眾矣蓋人為者多變自然者不

韋弁

周禮司服凡其事韋弁服弁師諸侯及孤卿大夫之冕韋弁皮弁弁經各以其等為之而掌其禁令或曰周禮有韋弁無爵弁書與冠禮禮記有爵弁無韋弁士之服止於爵弁而荀卿曰士韋弁孔安國曰雀韋弁

也劉熙釋名亦曰以爵章為之謂之章弁則爵弁即章弁耳觀弁飾
服章弁先於皮弁書雀弁先於綦弁孔安國曰綦皮弁也士冠禮次加皮弁皮
弁加爵弁而以爵弁為尊聘禮主卿贊禮服皮弁及歸饗餼服章弁而
以章為敬則皮弁之上非章弁則爵弁耳此所以疑為一物也陳禮書

冠弁

田獵則冠弁服鄭云冠弁玄冠委貌也委安也服之所以安正容體也
若以色言之則曰玄冠其服則十五升緇布衣素積以為裳養老宴群
臣亦服之其諸侯不限畿為畿外視朝行道皆服之天子諸侯之卿大
夫祭其廟亦同服之然則周之委貌殷之章甫夏之母追並用緇布為
之故有玄冠之名

幘頭

起於周建德中為四脚蓋便於軍容也唐武德四年勅折上巾軍旅所
服即今幘頭正觀中偃武以翼善冠頗類幘頭乃日常服至開元廢不
用本朝淳化中用之

荀卿稱魯公問舜冠於孔子孔子曰古者有務而拘領書大傳務作漢
者服志曰上古衣毛而冒皮後世聖人見鳥獸有冠角頗胡之制遂作
冠冕纓綬以為首飾則古者冒而已及冠冕纓綬之作皆有所象也古
者冠其飾有緣其實有弁其來有武其繫有纓其乘有綬古之冠其飾
不過纓武緣其名不過母追章甫委貌而已後世有長冠通天遠遊高
山竹皮進賢方山巧士却非却敵之制而其異有若鵠冠鵠冠其怪者
有鹿酒墊角之類非古也

緇布冠

郊特牲曰太古冠布齋則緇之其綬也孔子曰吾之未聞也冠而敝之
可也玉藻曰始冠緇布冠諸侯下達曰緇布冠續綬諸侯之冠也

母追冠

白虎通曰夏十二月為正其飾最大故曰母追母追言其追大也禮書
曰母追有覆杯之狀於義或然鄭司農言夏后氏之牟追蓋

古者平進通用也記曰毋違夏后氏之道也

章甫冠

論語曰端章甫儒行曰孔子冠章甫之冠莊子曰孔子冠枝木之冠蓋
枝木之冠即章甫也白虎通曰商十有二月為正其飾微大故曰章甫
章甫者尚未為極其本相當也陳禮記曰章甫商道也儒行曰孔子冠
章甫之冠也

委貌冠

左傳劉定公謂趙孟吾與子弁冕端委以治民臨諸侯晏平仲端委章
虎門國語晉侯端委以入武宮董安于曰臣端委以隨宰臣孟端委委
貌士以為祭服大夫士以為朝服服也朝之天子至士亦以為齊服故墨
定公晉侯董安于皆得以服之白虎通周十二月為正萬物萌小冠飾
最小故曰委貌記曰委貌周道也委貌委曲

文冠

胡廣曰趙武靈王改胡服以金瑠飾前前綴貂尾為貴職或以北土多

寒胡人以貂皮溫額後代効之亦曰惠文惠者蟬也其冠文細如蟬翼
故名惠文漢因之曰武弁一名大冠諸武官冠之侍中中常侍加黃金
瑠附蟬為文貂尾為飾侍中侍左常侍侍右貂尾赤黑色漢應劭漢官
儀曰金取堅剛百鍊不耗蟬居高清潔貂內勁悍而外溫潤又名鵠
冠幸臣關雉為侍中皆服大冠天子元服亦為先加雙鵠尾置左右名
曰鵠冠鵠為鳥之長號者也每所趨則晉依之名繁冠一名建冠一名
籠冠即惠文冠也齊因之侍臣加貂蟬唯武騎武貴侍鵠尾於武冠上
隋名武弁武職及侍臣通服之侍臣加金瑠附蟬以貂為飾天子則金
博山三公以上玉枝四品以上金枝文官七品以上鹿白筆八品以上
及武官不鹿筆唐因之乘輿加金附蟬平巾幘侍中中書令則加貂蟬
侍左右珥武官九品以上亦准此

後漢進賢冠

古緇布冠文儒者之服也公侯三梁中二千石以至博士兩梁自博士
以下至小史私學弟子皆一梁宗室劉氏亦兩梁冠示加服也。後漢

改緇布為進賢儒者之服

緇冠

法官一曰杜後執法者服之緇身神羊能別曲直楚王掌獲之故以為冠楚執法者所服也胡廣說曰春秋左氏傳有南冠而縶者則楚冠也秦滅楚以其君服賜執法近臣御史服之

後漢長冠

長冠一曰齋冠制如板以竹為裏高祖微時以竹皮為之謂之劉氏冠楚冠制也民謂之鵲尾冠非也祀宗廟諸祀則用之本高祖所造故以為祭服尊敬之至也

唐翼善冠

太宗嘗以幘頭起於後周便武事也方天下偃武採古制為翼善冠自服之元日冬至朔望視朝翼善冠

唐之德冠

太宗製之以賜貴臣王綦制如弁服以金飾梁花趺三品以上加金

五品以上附山雲

後周常冠

武帝時初服常冠以皂紗全幅而後襖髮仍裁為四脚

齋冠

禮書曰太古之齋冠以緇周之齋冠以元天子齋則元冕而端元所謂冕而乘路是也諸侯而下元冠元端而已故謂元冠丹組纓元冠綦組纓是也然則諸侯與士之齋則同而尊卑之分則異同故皆元冠以一其誠異故組纓殊色以辨其等諸侯丹組纓則陽而已以其純於德故也士綦組纓則陰陽雜矣以其不純於德故也

通天冠

秦制

遠遊冠

秦采楚制

高山冠

漢舊儀云乘輿冠高山冠

方山冠

漢制祠宗廟樂人服

却非冠

漢制

樊會冠

漢衛士制

却敵冠

晉制衛士服

建華冠

漢制天地五郊明堂舞樂人服

巧士冠

漢制黃門宦者服

黃冠

禮書曰黃衣黃冠而祭息田夫也野夫黃冠草服也然則皮弁素服而祭者皆祭四方百物也黃衣黃冠而祭者臘先祖五祀也

冠禮

三代

之興禮素明自諸侯以上則十二而冠左傳晉悼公問魯襄公年

歲寡君以生晉侯曰十二年矣國君十五而冠子冠而生日會子沙隨之

以冠矣大夫蓋為冠具武子曰寡君在行未可具也請及兄弟之國而

假備焉晉侯曰諾公還及衛冠于成公之廟禮也楚共王自士以上則二

十而冠鄭氏曰士以二十冠之於廟冠之於階醮之於客位禮皆隨

時而損益之夏商則用醮其醮也每一加醮於客位周人則周制文

王年十二冠成王十五而冠通漢昭帝十七而冠元鳳元年至四年加

元服則年五經要義云冠嘉禮也冠首服也首服既加而後人道備

故君子重之以為禮之始矣蠅。通典曰按大戴禮有公符篇云公冠

四加天子亦四加又家語冠頌云王太子之冠擬諸侯之冠天子之元

子亦擬諸侯四加諸侯之子同於士據此自天子至於諸侯非無冠禮

但因秦焚書遂同蕩滅其周制士冠禮頗備王者時採行焉。東遷以

爵弁其弁之制為如何又豈知夏用葛屨冬用皮屨其屨之制又如何故唐孫嗣昌嘗冠其子至外庭曳笏言於鄉士曰某冠子畢鄭叔明則

拂然而却立曰何與我耶庭中大笑此其勢然也。唐之制禮一品

之子以衮冕二品之子以鷩冕三品以至九品皆有其數雖不盡合於古而唐人決行之者禮從宜故也至於母見其子則立而不拜過也考之儀禮以酒脯奠於廟既冠者遂持酒脯以見母母拜其酒脯非拜其子也而唐室輕之珠失古人之意矣。古人之意果何為哉不過曰責成人之禮為耳蓋少之與長也異常其未冠則深衣結髮謂之未可勝冠也其未可以成人責之也及其既冠則必責之以為人子為子弟為人臣之禮焉必責之以顏色齊辭令順容貌正焉不如是則徒服其

服童子佩鵠雖則佩鵠能不我知童子佩鞶雖則佩鞶能不我知雖者成人之佩也無成人之德則是佩鞶而不我知佩鞶而不我知甲雖謂之童子可也使行冠禮盡如斯不幾於無冠乎。古之冠者必有祝之之辭成王冠周公命史維作頌曰近於仁遠於佞近於義遠於財祿賢使能漢昭帝之祝辭曰惟遠冲儒之幼志蘊積文武之舊德六合之內靡不蒙福承天無極趙武子之冠辭獻子告之以成子之文宣子之忠苟不稱服則所告之祝辭無乃虛設耶醴辭曰其體惟厚嘉薦令芳拜受祭之以定爾祥字辭曰令月吉日昭告爾字嘉字孔嘉髦士允宜醴辭曰旨酒既清嘉薦重時始加元服兄弟且來孝友時格永乃保之無其德而有其服則三辭無乃虛設耶。儀禮曰周弁商皐夏收三王共皮弁素積無大夫冠禮而有其昏禮古者五十而后爵何大夫冠禮之有鄭氏注曰年未五十而有賢才者試以大夫之事猶服士服行士禮二十而冠忽成人也五十乃爵重官人也

太子始冠之冠

考索前卷四十二

禮記

卷九

王藻曰元冠朱組纓天子之冠也天子始冠不以緇布而以元冠然其子則猶士而已元冠朱組纓則纓可知也朱以著正陽之已純其色所以異也

諸侯始冠之冠

王藻曰緇布冠纓纓諸侯之冠也鄭氏曰皆始冠之考之於禮始冠緇布冠自諸侯下達則諸侯所以異於大夫士者纓纓耳緇布冠纓纓則纓可知也纓以備五采之文五采雖美不若朱正陽之色純也

服制

古之服章十有二而日月星辰山龍華蟲繡於衣宗彝藻火粉米黼黻綉於裳則星五星也辰十二次也華蟲雉也宗彝虎彝雉也粉米粉其米也黼白黑文也黻黑青文也蓋日月星辰在天成象者也山龍華蟲宗彝藻火粉米黼黻在地成形者也然則古者合三辰以在服備十二章以則天數後世效三辰以在旗而服止九章以法陽數鄭康成謂周服九章登龍於山登火於宗彝以導其神明理或然也左傳臧僖伯

曰三辰旗旗昭其明也火龍黼黻昭其文也子太叔曰為九文六采五章以奉五色夫僖伯言服止於火龍太叔言色止於九文則周之衮服止於九章而無日月星辰明矣

書曰天命有德五服五章說又曰子欲觀古人之象日月星辰山龍華蟲作會宗彝藻火粉米黼黻綉以五采彰施于五色作服汝明黼黻綉綉備十二章

書大傳曰天子衣服其文華蟲作纓宗彝藻火山龍諸侯作纓宗彝藻火山龍子男宗彝藻火山龍大夫藻火山龍士山龍文曰山龍青也華蟲黃也作纓黑也宗彝白也藻火赤也天子服五諸侯四次國服三大

夫服一士服一或鄭氏曰文

禮運曰五色六章十二衣還相為質也禮器曰禮有以文為貴者天子龍衣諸侯黼大夫黻士元衣纁裳

周禮典絲凡祭祀共黼畫組就之物典命上公九命其衣服以九為節侯伯七命其衣服以七為節子男五命其衣服以五為節王之三公八

命其卿六命其大夫四命及其出封皆加一等其衣服亦如之公之孤四命以皮帛眡小國之君其卿二命其大夫再命其士一命其衣服各眡其命之數侯伯之卿大夫士亦如之子男之卿再命其大夫一命其士不命其衣服各眡其命之數。司服公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服大夫之服自元冕而下如孤之服士之服自皮弁而下如大夫之服凡大祭祀大賓客共其衣服而奉之。考工記曰白與黑謂之黼黑與青謂之黻五采備謂之綉士以黃其象方天地時變火以圖山以章水以龍鳥獸地維四時五色之位以章之謂之巧

詩大車曰毳衣如綌如璜終南曰黼衣綉裳九罏曰我觀之子衮衣綉裳采衣曰又何予之元衮及黼文王曰厥作裸將常服黼哿韓奕曰王錫嘏侯元衮亦烏

諸侯祭服

祭統曰夫人蠶于比郊以共冕服又曰君純冕立于阼玉藻曰諸侯元端以祭裨冕以朝鄭氏謂諸侯祭宗廟之服惟魯及二王之後衮冕餘皆元冕考之雜記大夫冕而祭於公弁而祭於已士弁而祭於公冠而祭於已以其致隆於公不敢與已同其服則諸侯以鷩冕希冕祭於王端冕祭於已宜矣

喪衣

諸侯喪衣亦始命為諸侯及朝覲加賜之衣也王制曰三公一命衮若有加則賜孔穎達謂九命龍衮之外君衣特賜雜記謂之喪衣是也秦制水德服尚約元

後漢光武踐阼始修郊祀天子冕服從歐陽氏說三公九卿特進侯朝侯侍祠侯從夏侯氏說祀天地明堂皆冠旒冕衣裳皆元上纁下一服而已明帝永平中議乘輿備文日月十二章刺綉文三公諸侯用山龍九章九卿以下用華蟲七章後周設司服之官掌皇帝十二服祀昊天上帝則蒼衣五方上帝各隨方色朝日用青衣祭皇地祇用黃衣夕月

飾也無事則裼弗敢充也童子不裘不帛禮不盛服不充故大裘不裼
詩羔羊曰羔羊之皮素絲五紕紕數也古者羔羊之革素絲五紕也
羔羊之縫素絲五總總數也旄丘責衛伯也狐裘蒙戎匪車不束鄭羔裘
刺朝也羔裘如濡洵直且侯羔裘豹飾孔武有力羔裘晏兮三英粲兮
三英三德也晉羔裘刺時也羔裘豹祛自我人居居居居位卿大夫之服羔裘豹
裘自我人究究兼護曰君子至止錦衣狐裘毛曰狐裘朝服羔裘曰羔裘
逍遙狐裘以朝羔裘翱翔狐裘在堂羔裘如膏日出有曜幽七月三之
日于貉取彼狐狸為公子裘都人士曰彼都人士狐裘黃黃大東曰舟
人之子熊羆是裘毛曰舟舟楫之人鄭曰宋語大裘以黼之論語曰羔
裘玄冠不以弔緇衣羔裘素衣霓裘黃衣狐裘麤裘長短右袂狐貉之
厚以居又曰公西華乘肥馬衣輕裘左傳曰北國之人韜巾而裘中國
之人冠冕而裘

大裘

三禮圖云大裘者黑羊裘也其冕無旒亦玄素纁裏鄭志大裘之上又
有元衣與裘同色但無文彩耳裘下有裳纁色朱韋素帶朱瑒終辟佩
白玉而玄組纓亦烏黑絢纁純大裘以下冕皆前圓後方天子以珠玉
為飾祀昊天上帝五帝崑崙神州皆服大裘新圖云王者之祀天內服
大裘外被龍裘所以襲大裘也記曰裘之裼也見美也服之襲也充美
也禮不盛服不充故大裘不裼則襲裘可知大裘龍裘則戴冕纁十二
旒旒十二玉前後各用百四十有可知為徒服大裘而無襲非禮意
語曰襲裘長則凡行禮之裘短矣為徒服大裘而加長焉與襲裘何異
哉鄭志謂大裘之上又有玄衣此說尤為無據也。大裘黼表王藻云
惟君有黼裘以誓省大裘非古也鄭注云天子祭上帝則大裘而冕大
裘羔裘也黼裘以羔與狐白難為黼文也省當為稱猶秋田也國君有
黼裘誓猶田之禮正義云君諸侯也禮唯許諸侯服黼裘以誓軍衆田
獵耳不得用大裘當時非但諸侯有大裘又有大夫僭用大裘者故譏
之云非古也。周大裘服記曰郊之祭王披裘以象天戴冕瑋十二旒
則天數也鄭司農云大裘黑羔裘服以祀天示質也然則合二禮而言

之王之祀天內服大裘外被龍衮所以襲大裘也記曰裘之裼也見美也服之襲也充美也禮不盛服不充故大裘不裼則襲衮可知也先王之於祀天也有文以示其外心之勤有質以示內心之敬故因丘掃地陶匏藻梲之類此因其自然以示內心之敬者也執鎮圭而用纁藉之采就所龍章而設日月之飾八變之音四圭之邸此因其文飾以示外心之勤者也然則內服大裘以因其自然外被龍衮戴冕璪以致其文飾不以內心發外心不以自然廢文飾然後祀天之禮盡矣不特此也以神事之則有五齊以人養焉則有二酒至敬不壇而有壇焉禮曰黍粢郊天是也至質不裸而有幣焉太宗伯泄玉鬯記親耕粢盛秬鬯以事上帝是也化天之禮孰謂其一於無文哉陳祥道。陸農師禮象曰元豐詳定郊廟禮文所初用何洵直議欲以黑緇制為大裘如衮唯領襲用羔神宗疑非是後何緣說文進書聖問偶及其以經封云禮不盛服不充故大裘不裼則大裘襲可知又曰郊之日王被衮以象天則大裘襲衮可知大裘襲衮則戴冕璪十有二旒可知冕服有六而弁師云掌王之五冕也神宗稱善遂詔有司製黑羔羊為裘而披以裘議者又謂今古異宜若純用羔恐大裘重難服及裘成輕重纔與袍等工作皆被賜詩曰羔裘如濡又曰羔裘如膏則古之裘制蓋亦稽矣。唐顯慶元年九月太尉長孫無忌等奏謹尋歷代唯服衮章與郊特牲義旨相協按周禮輿服志云漢明帝永平二年采周官禮記始制祀天地服天子備十二章沈約宋書云魏晉郊天亦皆服衮冕及考之宋紀曰明帝制云以大冕純玉藻元衣黃裳郊祀天地後魏周齊迄于隋氏勘其禮令祭服悉同今請憲章故實郊祀天地皆服衮冕其大裘請停。開元十一年冬元宗將有事於南郊張說又奏祭天服大裘之冕事出周禮取其質也明廢修禮改用衮冕出郊特牲取其文也若遵古制則用大裘若便於時則衮冕為美上以大裘樸畧冕又無旒乃廢不用

狐白裘

玉藻曰君衣狐白裘瑤衣以裼之鄭注云君衣白毛之裘則以素錦為衣以覆之使可裼也袒而有衣曰裼必覆之者裘襲也天子狐白之上

衣皮弁服與黼黻凡褻衣象裘也正義云君謂天子凡褻衣象裘色者
狐白裘用錦衣為褻狐青裘用布衣為褻羔裘用緇衣為褻是褻衣與
裘色相近也天子視朝服皮弁服則皮弁之下有狐白錦衣也諸侯於
天子之朝亦然凡在朝君臣同服然則三公在天子之朝執璧與子男
同則皮弁之下狐白錦衣與子男同也其天子卿大夫及諸侯卿大夫
在天子之朝亦狐白裘以下又云士不衣狐白則卿大夫得衣狐白也
其褻不用錦衣

狐青裘

玉藻又云君子狐青裘豹裘元緒衣以褻衣之正義云君子謂大夫士
也以狐青為裘豹皮為裘用龍繡之衣以覆褻之繡正

韞韞黼黻

詩曰朱爰斯皇三百赤帝又曰赤帝金鳥庶見素韞兮易曰朱紱方來
困于赤紱玉藻曰韞君朱大夫素士爵韞園綬直天子直公侯前後方
大夫前方後挫角士前後正又曰一命緼綬再命赤紱二命赤紱又曰

齊則績結佩而爵韞明堂位曰有虞氏服韞夏后氏山商火周龍章詩
曰韞韞有奭左傳曰衮冕黼黻昭其度也鄭康成曰古者佃漁而食之
衣其皮先知蔽前後知蔽後後王易之以布帛而獨存其蔽前者不忘
本也韞之作也在衣之先其服也在衣之後其色則視裳而已禮記言
君朱大夫素士爵韞者祭服之韞也周官典命公侯伯之士一命之士
而助祭以爵弁爵弁纁裳故緼綬之緼黃所謂一命緼綬是也公侯伯
之卿三命大夫再命而卿大夫助祭聘王以元冕元冕纁裳故赤紱所
謂再命三命赤紱是也韞之為物以其第前則曰韞以其一中足矣故
曰韞以色則曰韞以韞質則曰韞韞古人謂舊為第韞韞及戰國連兵
韞非兵飾去之明帝復制韞天子赤皮蔽膝魏晉以來用絳紗為之故
字或作紱

深衣

玉制曰有虞氏皇而祭深衣而養老玉藻曰諸侯深衣祭牢肉又曰朝
元端夕深衣深衣三祛謂大夫士也縫齊倍要袷旁袂可以回肘長

中繼揜尺袷二寸也曲領袷尺二寸也袷口緣廣寸半緣邊也深衣曰古者深衣蓋有制度以應規矩繩權衡短毋見膚長毋被土統社鈎邊要縫半不侈之高下可以運肘袂之長短反詘之及肘帶下毋厭髀上毋厭脇當無骨者制十有二幅以應十有二月袂圓以應規曲袷如矩以應方負繩及踝以應直下齊如權衡以應平故規者行舉手以為容負繩抱方者以直其正方其義也五法已施故聖人服之故規矩取其無私繩取其直權衡取其平故先王貴之可以為文可以為武可以擯相可以治軍旅也。禮書曰深衣所以異於餘服者餘服上衣下裳而不相連深衣則衣裳連矣餘服幅前後四深衣則十二幅矣餘服之帶三分帶下紳居二焉由帶而下四尺五寸深衣之帶則當無骨矣

群書考索卷四十二

前集

